



24

৬

বরগুনা জেলায় ৫০ হাজার শিশু প্রাথমিক শিক্ষা থেকে বঞ্চিত

বরগুনা, ২৯শে জুন (নিজস্ব সংবাদদাতা)।--আর্থিক সংকট, শিক্ষা উপকরণের অভাবসহ বিভিন্ন কারণে বরগুনা জেলার প্রায় ৫০ হাজার শিশু-কিশোর প্রাথমিক শিক্ষা থেকে বঞ্চিত হচ্ছে। জেলা প্রাথমিক শিক্ষা দপ্তরের তথ্য জানা যায়, বরগুনায় বর্তমানে ১লাখ ৪৭ হাজার ৮শ ১৩জন শিশু-কিশোর রয়েছে। এর মধ্যে মাত্র ৯৭ হাজার ৩শ ৮৪ জন শিশু-কিশোর প্রাথমিক শিক্ষার জন্য বিদ্যালয়ে যেতে পারে। এছাড়া ৪৯৪২৯ জন শিশু-কিশোর বাবা-

মায়ের আর্থিক সংকট, শিক্ষা উপকরণের অভাব সর্বোপরি প্রাথমিক বিদ্যালয়গুলোতে বহুবিদ সংকটের কারণে প্রাথমিক শিক্ষা থেকে বঞ্চিত হচ্ছে। প্রাথমিক বিদ্যালয়ে প্রয়োজনীয় সংখ্যক শিক্ষক নেই, আসবাবপত্র, শিক্ষা উপকরণ ও বিদ্যালয় ঘরের অভাবে ছাত্রছাত্রীদের লেখাপড়া বিঘ্নিত হচ্ছে। বরগুনা জেলায় ৩৮৮টি সরকারী প্রাথমিক বিদ্যালয় রয়েছে। এ বিদ্যালয়গুলোর অধিকাংশই জরাজীর্ণ হয়ে পড়েছে। বরগুনা সদর উপজেলার

৪৫টি, আমতলীতে ৪০টি, বেতাগীতে ৩৫টি ও বাগনায় ১৫টি ও পাথরঘাটায় ২৩টি বিদ্যালয়ে ছাত্রছাত্রীদের জীবনের ঝুঁকি নিয়ে রাখা হয়েছে। সামান্য বৃষ্টি হলেই এসব বিদ্যালয়ে ছাত্রছাত্রীদের ছুটি দিয়ে দেয়া হয়। ছাত্রছাত্রী অনুযায়ী বিদ্যালয়ে ১৯৬৮জন শিক্ষক থাকার কথা কিন্তু সেখানে রয়েছে মাত্র ১৬৭০ জন। এছাড়া খাবার পানির অভাব রয়েছে। শৌচাগারের সুব্যবস্থা নেই।